

রেজিস্টার্ড নং ডি এ-১

বাংলাদেশ



গেজেট

অতিরিক্ত সংখ্যা
কর্তৃপক্ষ কর্তৃক প্রকাশিত

বৃহস্পতিবার, অক্টোবর ৬, ২০১৬

গণপ্রজাতন্ত্রী বাংলাদেশ সরকার

মন্ত্রিপরিষদ বিভাগ

প্রজ্ঞাপন

ঢাকা, ২১ আশ্বিন ১৪২৩ বঙ্গাব্দ/ ০৬ অক্টোবর ২০১৬ খ্রিস্টাব্দ

নম্বর: ০৪.০০.০০০০.৪২১.৬২.০২২.১৫.২২৬—গত ১০ সেপ্টেম্বর ২০১৬ তারিখ সকালে গাজীপুর জেলার টাঙ্গী বিসিক শিল্পনগরীতে ট্যাম্পাকো ফয়েলস কারখানায় বয়লার বিস্ফোরণের ফলে সৃষ্ট ভয়াবহ অগ্নিকাণ্ডে ৩৯জন নিহত এবং ৩৬জন আহত হন। তন্মধ্যে শনাক্তকৃত ৩১টি মৃতদেহ নিকটাত্মীয়দের নিকট হস্তান্তর করা হয়। আহত ব্যক্তিগণ বিভিন্ন হাসপাতালে চিকিৎসাধীন রয়েছেন।

২। দেশবাসীর সঙ্গে একাত্ম হয়ে এ মর্মান্তিক দুর্ঘটনায় নিহত ব্যক্তিগণের জন্য গভীর শোক ও দুঃখ প্রকাশ এবং তাঁদের আত্মার মাগফেরাত কামনা করে, তাঁদের শোকসন্তপ্ত পরিবারের সদস্যদের প্রতি গভীর সমবেদনা জানিয়ে এবং আহত ব্যক্তিবর্গের দ্রুত সুস্থতা কামনা করে মন্ত্রিসভার ১৮ আশ্বিন ১৪২৩/০৩ অক্টোবর ২০১৬ তারিখের বৈঠকে একটি শোকপ্রস্তাব গ্রহণ করা হয়।

৩। মন্ত্রিসভার বৈঠকে গৃহীত উক্ত শোকপ্রস্তাব সকলের অবগতির জন্য প্রকাশ করা যাচ্ছে।

রাষ্ট্রপতির আদেশক্রমে,
মোহাম্মদ শফিউল আলম
মন্ত্রিপরিষদ সচিব

(১৫১৯১)

মূল্য : টাকা ৪.০০

মন্ত্রিসভার শোকপ্রস্তাব

ঢাকা: ১৮ আশ্বিন ১৪২৩
০৩ অক্টোবর ২০১৬

গত ১০ সেপ্টেম্বর ২০১৬ তারিখ সকালে গাজীপুর জেলার টঞ্জী বিসিক শিল্পনগরীতে ট্যাম্পাকো ফয়েলস কারখানায় বয়লার বিস্ফোরণের ফলে সৃষ্ট ভয়াবহ অগ্নিকাণ্ডে ৩৯জন নিহত এবং ৩৬জন আহত হন। তন্মধ্যে শনাক্তকৃত ৩১টি মৃতদেহ নিকটাত্মীয়দের নিকট হস্তান্তর করা হয়। আহত ব্যক্তিগণ বিভিন্ন হাসপাতালে চিকিৎসাধীন রয়েছেন।

এ দুর্ঘটনার সংবাদ প্রাপ্তির সঙ্গে সঙ্গে সঞ্চে মাননীয় প্রধানমন্ত্রী শেখ হাসিনার সার্বিক নির্দেশনায় সর্বাঙ্গিক উদ্ধার ও চিকিৎসা কার্যক্রম শুরু করা হয়। তৎপরপ্রেক্ষিতে গাজীপুর জেলা প্রশাসনের তত্ত্বাবধানে বাংলাদেশ সেনাবাহিনীর ইঞ্জিনিয়ারিং কোরের স্বতন্ত্র ইঞ্জিনিয়ারিং ব্যাটালিয়ন, এসডব্লিউও (পশ্চিম), ফায়ার সার্ভিস ও সিভিল ডিফেন্স, জেলা পুলিশ, শিল্প পুলিশ, সিটি করপোরেশন ও জেলা স্বাস্থ্য বিভাগ সম্মিলিতভাবে নিষ্ঠা, দক্ষতা ও পেশাদারিত্বের সঙ্গে উদ্ধার তৎপরতায় অংশগ্রহণ করে এবং পরিস্থিতি নিয়ন্ত্রণে আনয়নসহ সংশ্লিষ্ট সকল বিষয়ে প্রয়োজনীয় ব্যবস্থা গ্রহণ করে।

এ দুর্ঘটনার পর দুর্যোগ ব্যবস্থাপনা ও ত্রাণ মন্ত্রণালয়ের পক্ষ হতে নিহত ব্যক্তিগণের পরিবারবর্গ ও আহতজনদের মধ্যে ত্রাণ সহায়তা প্রদান করা হয়। এছাড়া, শ্রম ও কর্মসংস্থান মন্ত্রণালয় থেকে নিহত ও আহতজনদের মধ্যে আর্থিক সহায়তা প্রদানের ঘোষণা করা হয়।

মন্ত্রিসভা দেশবাসীর সঙ্গে একাত্ম হয়ে এ মর্মান্তিক দুর্ঘটনায় নিহত ব্যক্তিগণের জন্য গভীর শোক ও দুঃখ প্রকাশ করে তাঁদের আত্মার মাগফেরাত কামনা করছে। মন্ত্রিসভা এ দুর্ঘটনায় আহত ব্যক্তিবর্গের দ্রুত সুস্থতা কামনা করছে। মন্ত্রিসভা হতাহতদের পরিবারের শোকসন্তপ্ত সদস্যদের প্রতি গভীর সমবেদনা জানাচ্ছে।